

名譽主編・季羨林

中國少數民族古籍集成（漢文版）

四川民族出版社

名譽主編・季羨林

主編・徐麗華

中國少數民族古籍集成 (漢文版)

《第七十九冊》

四川民族出版社

本冊目錄

東漢會要·南蠻

〇〇一

文獻通考·四裔考·南

〇〇四

文獻通考·四裔考·南丹州蠻

〇二一

罪惟錄·蠻苗列傳

〇三七

番社采風圖考

〇五〇

粵風

〇六四

湖南苗防屯政考

〇八〇

東漢會要·南蠻

南蠻

光武中興武陵蠻夷特盛建武二十三年精夫相單程等大寇郡縣遣武威將軍劉尚擊之尚軍大敗二十四

東漢會要

卷三十九

一

年相單程等下攻臨沅明年春遣伏波將軍馬援等將兵擊破之單程等乞降會援病卒謁者宋均聽受降羣蠻遂平肅宗建初元年武陵澧中蠻陳從等反叛零陽蠻五里精夫爲郡擊破之三年冬澧中蠻覃兒健等復反明年春發吏士五千餘人擊澧中賊五年春覃兒健等請降不許郡因進兵與戰於宏下大破之斬兒健等餘皆乞降乃受之於是罷武陵屯兵和帝永元四年冬澧中蠻潭戎等反郡兵擊破降之安帝元初二年澧中蠻結充中諸種攻城殺長吏州郡募五里蠻六亭

光緒甲申江蘇書局開雕

兵追擊破之皆散降明年秋濃中濃中蠻四千人並爲盜賊又零陵蠻羊孫陳湯等千餘人著赤幘稱將軍抄掠百姓州郡募善蠻討平之順帝永和元年武陵太守上書以蠻夷率服可比漢人增其租賦其冬濃中濃中蠻遂反遣武陵太守李進討破之桓帝元嘉元年武陵蠻詹山等四千餘人反叛太守應奉以恩信招誘皆悉降散永壽三年十一月長沙蠻反叛至延熹三年秋遂抄掠郡界又零陵蠻入長沙武陵蠻寇江陵於是以度尙爲荊州刺史討平之又遣馮緄討武陵蠻皆降散

東漢會要

卷三十九

二

靈帝中平三年武陵蠻復叛寇郡界州郡擊破之

建武十二年九眞徼外蠻里張游率種人募化內屬封爲歸漢里君明年南越徼外蠻夷獻白雉白兔至十六年交阯女子徵側及其妹徵貳反攻郡徵側者菴冷縣雜將之女也嫁爲朱載人詩索妻甚雄勇交阯太守蘇定以法繩之側忿故反於是九眞日南合浦蠻里皆應之凡略六十五城自立爲王交阯刺史及諸太守僅得自守光武乃詔長沙合浦交阯具車船修道橋通障谿儲糧穀十八年遣伏波將軍馬援樓船將軍段志發長

東漢會要

卷三十九

三

沙桂陽零陵蒼梧兵萬餘人討之明年夏四月援破交阯斬徵側徵貳等餘皆降散進擊九眞賊都陽等破降之徙其渠帥三百餘口於零陵於是嶺表悉平肅宗元平日南徼外蠻夷邑豪獻生犀白雉和帝永元十二年夏四月日南象林蠻夷二千餘人寇掠百姓燔燒三寺郡縣發兵討擊斬其渠帥餘眾乃降於是置象林將兵長史以防其患安帝永初元年九眞徼外夜郎蠻夷舉土內屬開境千八百四十里元初二年蒼梧蠻夷反叛明年遂招誘鬱林合浦蠻夷漢數千人攻蒼梧郡

三年居風令貪暴無度縣人朱達等及蠻夷相聚攻殺縣令眾至四五百人遂攻九真遣九真都尉魏朗討破之靈帝建寧三年遷牂太守谷永以恩信招降烏潯人十餘萬為其皆受冠帶開置七縣熹平二年冬十二月日有蝓外國重譯貢獻光和元年交阯合浦烏潯蠻反分拒訪九真日南數萬人攻沒郡縣四年刺史朱雋擊破之六年日南徼外國復來貢獻

巴陵南郡蠻建武二十三年南郡湄山蠻雷遷等始反叛遣武威將軍劉尚討破之和帝永元十二年巫蠻許

東漢會要

卷三十九

四

聖等反叛遣使者督荊州諸郡兵大破聖等聖等乞降復徙置江夏靈帝建寧二年江夏蠻叛州郡討平之光和三年復反廬江太守陸康討破之餘悉降散

板楯蠻夷桓帝之世數反太守趙溫以恩信降服之靈帝光和三年巴郡板楯蠻叛遣益州兵討之不能尅帝遣詔赦之即皆降伏至中平五年巴郡黃巾賊起板楯蠻夷因之復叛遣趙瑾討平之

並本傳

東漢會要

卷三十九

文獻通考卷三百二十八

鄱陽馬端臨貴與著

四裔考五

南

文獻通考·四裔考·南

杜氏通典邊防總序曰南蠻其在唐虞與之要質故曰要服夏商之時漸爲邊患暨於周代黨眾彌盛故詩曰蠢爾荆蠻大邦爲讎至楚王時蠻與羅子共敗楚師殺其將屈瑕莫敖不設備故敗縕於荒谷羣帥囚於冶父楚師復振遂屬於楚及吳起相悼王南并蠻越遂有洞庭蒼梧

文獻通考

卷三百二十八

一

川

之地今長沙衡陽等郡也秦昭王使將伐楚略取蠻夷置黔中

郡今武陵澧陽及黔中五溪中諸郡地漢興以後時有寇盜其西南諸

夷夜郎之屬悉平定置郡縣今夜郎播州地爲即古夜郎地公孫述

時夜郎大姓爲漢保境後漢初從番禺江奉貢光武

建武中武陵蠻帥單程今武陵澧陽黔中宣夷盧溪等郡即漢武陵郡大寇

郡縣漢將劉尙戰敗數歲方平順帝時武陵太守增

其租賦蠻又舉種反殺鄉吏東晉時沔中蠻因劉石

亂後漸徙於陸渾以南徧滿山谷宋齊以後荆雍二

州今荆南江陵郡雍州襄陽郡各置校尉以撫寧之羣蠻酋帥互

受南北朝封爵至後魏末暴患滋甚僭稱侯王屯據
峽路斷絕行旅周武帝遣陸騰大破之其獠初因蜀
李勢亂後自蜀漢山谷出侵擾郡縣至梁時州郡每
歲伐獠以自利及後周平梁益梁漢川益蜀川自爾遂同華
人矣以其黔中東謝西謝自古不臣中國唐貞觀以
後置羈縻州領之

盤瓠種

盤瓠種昔帝嚳時患犬戎入寇乃訪募天下有能得犬
戎之吳將軍頭者妻以少女時帝有畜狗名曰盤瓠遂

文獻通考

卷三百二十八

二

人上

銜其將軍首而至乃以女配之杜氏通典曰按范曄後漢史蠻夷傳皆怪誕不經大抵諸家所序四夷亦多此類未詳其本出且因而商略之云高辛氏募能得犬戎之將軍頭者購黃金千鎰邑萬家妻以少女按黃金周以前爲斤秦以二十兩爲鎰三代以前分土自秦漢分人又周末始有將軍之官其吳姓宜自周命氏曄皆以高辛之代何不詳之甚又宋史曄被收後於獄中與諸甥姪書自序云六夷諸序論筆勢放縱實天下之奇作其中合者往往不減過秦篇嘗共比方班氏非但不愧之而已按班賈序事豈復語怪而曄紙謬若此盤瓠得女負走入南山在國即五溪之中山止石穴中生六男六女因自相夫妻織績木皮染以草實好五色衣服製裁皆有尾形衣裳斑斕語言侏離其後滋蔓號曰蠻夷有邑君長名渠帥曰精夫相

呼爲殃徒說文曰殃女人自稱殃我也烏朗反所居皆深山重阻人跡罕至長沙黔中五溪蠻皆是也一辰溪二酉溪三沅溪四武溪五沅溪秦昭

王使白起伐楚略取蠻夷始置黔中郡漢興改爲武陵郡今武陵澧陽黔中蠻夷盧溪盧陽靈溪潭陽郡地皆是也歲合大人輸布一匹小

日二丈是謂賁布說文曰賁南蠻賦之冬反雖時爲寇盜而郡國討平之後漢光武建武二十三年十二月武陵蠻精夫相

單程等大寇郡縣遣武威將軍劉尚發南郡今江陵巴東夷陵

長沙今長沙衡陽巴陵郡武陵今澧陽武陵黔中郡也兵萬餘人乘船泝流

自沅水入武溪擊之沅水出牂牁故且蘭東北經靈溪長沙巴陵郡入洞庭通江也武陵

文獻通考

卷三百二十一

三

人上

溪在今盧溪郡靈溪縣尙輕敵深入悉爲所沒又遣伏波將軍馬援將兵至臨沅今武陵郡武陵縣擊破之單程等飢困乞降會援病卒謁者宗均爲置吏以司之羣蠻遂平章和安順四朝累反叛攻劫州郡討平之永和初武陵太守上書以蠻夷卒服可比漢人增其租賦議者皆以爲可尙書令虞詡獨奏曰自古聖王不臣異俗非德不能及威不能加其獸心貪婪難率以禮是故羈縻而綏撫之附則受而不逆叛則棄而不追先帝舊典貢稅多少所由來久矣今猥增之必有怨叛計其所得不償所

入當立者具州名移辰州州爲保證申鈴轄司以聞迺賜敕告印符受命者隔江北望拜謝州有押案副使及校吏聽自補置彭氏自允殊文勇儒猛相繼爲下溪州刺史天禧中儒猛叛亡辰州發兵捕之執其子仕漢等歸京師儒猛降授仕漢殿直處之西京後輒遁歸天聖初以狀白辰州自言父老兄亡潛歸本道願放還家屬詔徙其家京師舍以官第未幾儒猛言仕漢逃歸引羣蠻爲亂遣別子仕端等殺人朝廷嘉其忠降詔獎諭自咸平以來始聽二十州納貢歲有賜蠻以爲利有罪則文獻通考

卷三百二十八

六

絕之熙寧初天子方用兵以威四夷湖北提刑趙鼎言陝州洞酋刻剝無度蠻眾願內附屬辰州布衣張翹亦上書言南北江利害遂以章惇察訪湖北經制蠻事北江諸蠻隸辰州在黔之西南阻五溪漢黔中地爲羈縻州三十六而下溪州爲大彭氏世居之南江諸蠻自辰州達於長沙各有溪峒本唐郡縣五代失守諸酋分據其地曰敘曰峽曰中勝曰元則舒氏居之曰蔣曰錦曰懿曰晃則田氏居之曰富曰鶴曰保順曰天賜曰古則向氏居之惇旣經制於是南江之舒氏北江之彭氏梅

山之蘇氏誠州之楊氏相繼納土創立城寨使之比內地爲王民置沅誠二州元祐初傅堯俞等言置二州以來設官屯兵費巨萬計公私騷然荆湖兩路爲之空竭乃廢誠州爲渠陽軍而沅州至今爲郡時朝廷方務休息痛懲邀功生事者廣西張整融州溫嵩坐擅殺蠻人皆寘之罪詔諭湖南北及廣西路曰國家疆理四海務在柔遠頃荆湖諸蠻近漢者無所統一因其請更量置城邑以撫治之邊臣邀功獻議創融州道路侵逼洞穴致生疑懼朝廷知其無用旋即廢罷邊吏失於撫遏遂文獻通考

卷三百二十八

七

爾扇搖其叛酋楊晟臺等並免追討諸路所開道路創置堡寨並廢自後五溪郡縣棄而不問崇寧以來開邊拓土之議復熾於是安化上三州及思廣洞蒙光明樂安洞程大法都丹團黃光明靖州西道楊再立辰州覃都管罵等各願納土輸貢賦又令廣西招納左右江四百五十餘洞宣和中議者以爲招致熟蕃接武請吏竭金帛縉絮以啗其欲捐高爵厚俸以侈其心開辟荒蕪草創城邑張皇事勢僥倖賞恩入版圖者存虛名充府庫者亡實利不毛之地旣不可耕狼子野心頑又莫革

建築之後西南夷獠交寇而溪洞之蠻亦復跳梁士卒死於干戈官吏沒於王事生民肝腦塗地往往有之以此知納土之議非徒亡益而又害之所由生也莫若俾帥臣監司條具建築以來財用出入之數商較利病可省者省可併者併減戍兵省漕運而夷狄可撫邊鄙可無患矣乃詔悉廢所置州郡復祖宗之舊云崇寧初改誠州爲靖州紹興初監察御史明橐言溪洞歸明官應湖南邊郡及二廣皆有之自崇觀以來員數寢多當時務要優卹添差州郡指使及酒稅之類本不取其才任文獻通考 卷三百二十八 八

及諸州措置隘寨闕人把拓又令管押兵夫而所管押者皆鄉民也其歸明官生長溪峒初無愛民之意亦不習朝廷法令貪婪無厭鞭笞摧辱無所赴愬議者欲令帥臣措置適宜既不致歸明官失所生怨亦無使遠民受害詔廣南荆湖路帥臣措置以聞隆興初右正言尹穡言湖南州縣地界與溪峒蠻徭連接以故省民與徭人交結往來擅易田產其閒豪猾大姓規免稅役多以產寄徭人戶下內虧國賦外滋邊隙省地與徭人相連舊有界至者宜詔湖南帥臣遣吏親詣其處明立封堠

自今不許省民將田產典賣與徭人及私以產業寄隱若已前賣入徭戶難以遽行改追止令置籍如徭人願退還省地田產者縣以官錢代還之仍委曲榜諭從之嘉泰三年湖南安撫趙亮勵言湖南九郡皆與溪峒相接其地闊遠南接二廣北連湖右其人狼子野心不能長保其無事或因饑饉或因讎怨或因劫掠或至殺傷州縣稍失隄防則不安巢穴越界生事爲今日計莫若先事選擇土豪爲徭人所信服者爲總首以任彈壓之責潛以馭之凡細微爭鬪止令總首彈壓開諭勸解自文獻通考 卷三百二十八 九

無浸淫之患蓋總首者語言嗜好皆與之同朝夕相接婚姻相通習知其利害審察其情僞而其力足以惠利之每遇饑歲則糴粟以賑其困乏徭人莫不感悅而聽從其言若先借補名目使得藉此以榮其身而見重於鄉曲彼必自愛惜而盡忠於公家如此則徭民之眾可坐以制之然亦須五年彈壓委有勞效然後正補以所借之官所捐者虛名所得者實利安邊之策莫急於此詔令本路諸司相度條具諸司言趙亮勵所言謂以蠻徭治蠻徭其策莫良宜詔本路監司遵守從之嘉定初

柳州黑風峒僑人羅世傳出掠省地飛虎統制邊寧戰沒遂爲江西湖南之擾明年知隆興府趙希懌知潭州史彌堅同共招降之二年李元礪羅孟二又率眾犯江西攻破龍泉縣知隆興府王居安擒獲之七年臣僚言夫熟戶山僑峒丁有田不許擅鬻頃畝多寡山畝闊狹各有界至任其耕種但以丁名繫籍每丁量納課米三斗悉無其他科配熟戶山僑峒丁樂其有田之可耕生界有警極力爲衛蓋欲保守田業也近年以來生界僑僚其沒省地而州縣無以禁戢者皆繇不能遵守良法

文獻通考

卷三百二十八

十一

川文

有以致之夫溪峒之專條山僑峒丁田地不許與省民交易蓋慮其窮困而無所顧藉不爲我用今州郡謾不加恩山僑峒丁有田者悉聽其與省民交易但利牙契所得而又省民得田輸稅在版籍常賦之外可以資郡帑泛用而山僑峒丁之米掛籍自如催督嚴峻多不聊生往往奔入生界溪峒受顧以贍口腹或爲鄉導或爲徒伴引惹生界出沒省地駸駸不已爲害甚大宜明敕湖廣監司行下諸郡凡屬溪峒山僑峒丁田業不得擅與省民交易犯者以違制論仍歸其田庶山僑峒丁有

田可耕不致妄生邊釁實綏靖遠民之良策從之

石湖范氏桂海虞衡志僑本盤瓠之後其地山溪高深介於巴蜀湖廣閒縣互數千里椎髻跣足衣斑斕布褐名爲僑而實不供征役各自以遠近爲伍以木葉覆屋種禾黍粟豆山芋雜以爲糧截竹筒而炊暇則獵食山獸以續食嶺蹊險阨負戴者悉著背上繩繫於額僂而趨俗喜讎殺猜忍輕死又能忍饑行鬪左腰長刀右負大弩手長鎗上下山險若飛兒始能行燒鐵石烙其跟蹤使頑木不仁故能履棘茨根枿

文獻通考

卷三百二十八

十二

川文

而不傷兒始生秤之以鐵如其重漬之毒水兒長大燬其鋼以製刀終身用之試刀必斬牛仰刃牛項下以肩負刀一負卽殊者良刀也弩名偏架弩隨跳躍中以一足蹶張背手傳矢往往命中鎗名掉鎗長二丈餘徒以護弩不恃以取勝戰則一弩一鎗相將而前執鎗者前卻不常以衛弩執弩者口銜刀而手射人敵或冒刃逼之鎗無所施弩人釋弩取口中刀奮擊以救度險整其行列退去必有伏弩土軍弓手輩與之角技藝爭地利往往不能決勝也歲首祭盤瓠

中國少數民族古籍集成(漢文版)

漢以後中、東、南各民族・綜述

〇一〇

雜揉魚肉酒飯於木槽扣槽羣號爲禮十月朔日各以聚落祭都貝大王男女各成列連袂相攜而舞謂之踏傜意相得則男咿鳴躍之女羣負所愛去遂爲夫婦不由父母其無配者俟來歲再會女二年無所向父母或欲殺之以其爲人所棄云樂有盧沙銃鼓胡盧笙竹笛之屬其合樂時眾音競閱擊竹笛以爲節團樂跳躍叫咏以相之歲暮羣操樂入省地州縣扣人門乞錢米酒炙如儺然傜之屬桂林者興安靈川臨桂義寧古縣諸邑皆迫近山傜最强者曰羅曼

文獻通考 卷三百二十八 三 川上

傜麻園傜其餘如黃沙甲石嶺屯裏江贈腳黃村赤水藍思中江疎江定花冷石白面黃意大利小平灘頭丹江閃江等傜不可勝數山谷間稻田無幾天少雨種不收無所得食則四出犯省地求斗升以免死久乃玩狎雖豐歲猶剽掠沿邊省民與傜犬牙者風聲氣習及筋力技藝略相當或與通婚姻結怨仇往往爲傜鄉導而分鹵獲傜旣自識徑路遂數數侵軼邊民遂不能誰何攻害田廬剽穀粟牛畜無歲無之跟蹤篁竹飄忽往來州縣覺知則已趨入巢穴官

軍不可入但分屯路口山多蹊不可以徧防加久成勞費又傜人常以山貨沙板滑石之屬竊與省民博鹽米山田易旱乾若一切閉截無所得食且冒死突出爲毒滋烈沿邊省民因與交關或侵負之與締仇怨則又私出相讎殺余旣得其所以然乾道九年夏遣吏經理之悉罷官軍專用邊民籍其可用者七千餘人分爲五十團立之長副階級相制毋得與傜通爲之器械教習使可捍小寇不待報官傜犯一團諸團鳴鼓應之次告諭近傜亦視省民相團結毋得犯

文獻通考 卷三百二十八 三 川上

法則通其博易之路不然絕之彼見邊民已結形格勢禁不可輕犯幸得通博買有鹽米之利皆驩然聽命最後擇勇敢吏將桑江歸順五十二傜頭首深入生徑羅曼等洞尤狠戾素不賓化者亦以近傜利害諭之悉從乃爲置博易場二一在義寧一在融州之榮溪天子誕節首領得赴屬縣與犒宴諸傜大悅伍籍遂定保鄣隱然萬一遠傜弗率必須先破近傜近傜欲動亦須先勝邊團始能越至城郭然亦難矣旣數月諸傜團長袁臺等數十人詣經略司謁謝悉紫

袍巾裏橫挺犒以銀盃絲絕鹽酒勞遺之又各以誓
狀來其略云某等既充山職今當鈴束男姪男行持
棒女行把麻任從出入不得生事者上有太陽下有
地宿其翻背者生兒成驢生女成猪舉家滅絕不得
翻面說好背面說惡不得偷竄送暖上山同路下水
同船男兒帶刀同一邊一點一齊同殺盜賊不用此
款者並依山例山例者誅殺也蠻語鄙陋不欲沒其
實略志於此余承乏帥事二年諸徭無一迹及省地
遂具以條約上聞詔許遵守行之

文獻通考

卷三百二十八

十四

文獻通考

廩君種

廩君種不知何代初巴氏樊氏暉音審氏相氏鄭氏五姓
皆出於武落鍾離山在今夷陵郡巴山縣其上有赤黑二穴巴氏
之子生於赤穴四姓之子皆生黑穴未有君長共立巴
氏子務相是為廩君從夷水下至鹽陽按今夷陵郡巴山縣清江水一
名夷水一名鹽水其源出清江縣西都亭山廩君於是君乎夷城四姓皆臣
之巴梁閒諸巴皆是也即巴漢之地按范曄後漢史云
乃其擲劍於石穴約能中者奉以為君務相乃獨中之
又令各乘土船約能浮者當以為君餘姓悉沈惟務相
獨浮因共立之是為廩君乃乘土船從夷水下至鹽陽
水有神女謂廩君曰此地廣大魚鹽所出願留共居廩

君不許鹽神暮輒來宿詰朝即化為蟲與諸蟲羣飛掩
蔽日光天地晦冥積十餘日廩君伺其便因射殺之天
乃開明廩君於是居於夷城四姓皆臣之廩君死魂魄
化為白虎巴氏以虎飲人血故以人祠焉是皆怪誕以
此不戰國時秦惠王并巴中以巴氏為蠻夷君長其人
取

歲出賦二千一十六錢三歲一出義賦千八百錢其人

戶出懷布八丈二尺雞羽三十綬說文曰懷布南軍蠻

毛詩四綬既均儀禮銀矢一乘鄭元曰銀猶漢興南郡

太守靳强奏請一依秦時故事至光武建武二十三年

南郡奏湣山蠻雷遷等始反叛音屠武威將軍劉尚討

破之徙其種人七千餘口置江夏界中其後河中蠻是

文獻通考

卷三百二十八

十五

文獻通考

也漢之江夏郡今竟陵富水安陸齊安漢陽江夏今雲蠻許聖等安郡巫山縣也以郡收稅不均反叛發荊州

諸郡兵今江陵夷陵澧陽武陵討破之復悉徙置江夏

靈帝光和三年江夏蠻復反寇患累年廬江太守陸康

討破之漢廬江郡今郡地漢末張魯居漢中以鬼道教百姓寶

人敬信巫覡多往奉之值天下大亂自巴西之宕渠遷

於漢中楊車阪抄掠行旅百姓患之號為車巴魏武克

漢中李特之祖將五百餘家歸之拜為將軍遷於略陽

北土號之為巴氏特父慕為東羌獵將特少仕州縣見

異當時雄武沈毅有大度元康中氏齊萬年反關中擾亂頻歲大饑百姓流移就食相與入漢川者數萬特隨流入入蜀聚巴西勇壯爲寇盜遂據梁益傳其弟流子雄偕卽帝位傳班期壽勢六世而亡

板楯蠻

板楯蠻秦昭襄王時有一白虎於蜀巴漢之境傷害千餘人昭王乃募有能殺虎者賞邑萬家時有巴郡閬中夷今閬中廖仲等射殺白虎昭王以其夷人不欲加封乃刻石盟要復夷人頃田不租十妻不算一戶免其一頃田之租稅

文獻通考

卷三百二十八

十六

川多

雖有十妻不傷人者論殺人得以賒錢贖死何承天纂文曰賒蠻大賒罪貨也盟曰秦犯夷輸黃龍二雙夷犯秦輸清酒一鍾夷人安之至漢高帝爲漢王發夷人還三秦今關中秦地秦地既定乃遣還巴中復其渠帥羅朴督鄂度夕龔七姓不輸租賦餘戶乃歲入口錢四十巴人呼賦爲寶謂之寶人焉代號爲板楯蠻夷閬中有渝水其人多居水左右天性勁勇初爲漢前鋒數陷陣俗喜歌舞高帝命樂人習之所謂巴渝舞也遂代代服從至後漢以後郡守常率以征伐靈帝光和三年巴郡板楯蠻叛今通

山南平治陵南川清化雲安始蓋巴川南賓南浦三蜀及漢中諸郡即漢川諸郡今漢中安康益州計吏考以征伐方略漢中計程苞對曰板楯七姓

以射殺白虎立功先代復爲羌人其人勇猛善戰昔安帝永初中羌入漢川郡縣破壞得板楯救之羌死敗殆盡故號爲神兵至桓帝建和二年羌復大入實賴板楯連摧破之前車騎將軍馮緄南征武陵緄本反亦倚板楯以成其功近益州郡縣亂今漢川蜀郡縣地太守李顯之亦以板楯討而平之忠功如此本無惡心但長吏鄉亭更賦

文獻通考

卷三百二十八

七

又

至重僕役箠楚過於奴虜闕庭悠遠不能自聞含怨呼天叩心窮谷故邑落相聚以致叛戾非有謀主僭號以圖不軌今但遣明能牧守自然安集不煩征伐也帝從其言遣太守曹謙宣詔赦之卽皆降服及漢末天下亂自巴西之宕渠今符陽郡遷於漢中楊車阪抄掠行旅號爲楊車巴魏武克漢中李特之祖將五百家歸魏武又遷於略陽北復號之爲巴氏略陽今天水郡龍城縣蜀後主劉禪建興十一年涪陵屬國人夷反今涪陵郡地車騎將軍鄧芝往討皆破平之其河中蠻至晉時劉石亂後漸得北遷陸

渾以南滿於山谷宋時荊州置南蠻校尉今江陵郡巴東夷陵雲安等郡雍州置蠻校尉以領之今襄陽南陽郡地如蠻人順附者一戶輸穀數斛其餘無事宋人賦役嚴苦貧者不復

堪命多逃亡入蠻蠻無徭役強者又不供官稅結黨連羣動有數百千人州郡力弱則起為盜賊種類稍多戶

口不可知也文帝元嘉中天門今澧陽郡地淩中令宋矯之徭賦過重蠻不堪命蠻田向求等為寇破淩中虜掠百

姓及劉道產善撫諸蠻前後不附官者莫不順服皆引出平土多緣沔為居道產亡後蠻又反叛孝武帝出為

文獻通考 卷三百二十一 八 五

雍州時巴東今巴東郡建平今巴東郡宜都今夷陵郡天門四郡蠻為

寇諸郡人戶流散百不存一孝武即位後大明中西陽

夷今夷陵郡皆反叛沈慶之率江雍荊河州諸軍討破之今江

蕩陽今蕩陽郡章郡今臨川郡廬陵等郡地明帝順帝時尤甚雖

雍已具上荆河今廬江同安郡也遣攻討終不能禁荊州為之虛弊齊高帝時武陵西溪

蠻田思飄武帝永明初黔陽蠻田豆渠武陵黔陽皆今五溪中也湘

川蠻陳雙李答並寇掠州君討平之湘川今長沙衡陽也其後雍

司州蠻今司州義陽郡與後魏通助荒人桓天生侵害齊境

六年除田駟路為試守北遂安左郡太守田驢王為試

守宜人左郡太守田何代為試守新平左郡太守皆郢

州蠻帥並漢沔間蠻也其左郡亦茲後魏孝文太和中

襄陽蠻酋雷婆思率戶千餘內徙求居太和川詔給廩

食後開南陽全有沔北之地今武當南陽蠻人安堵不

為寇賊宣武帝景明初太陽蠻酋田育邱等共二萬八

千戶叛齊附魏詔置四郡十八縣魯陽蠻今臨汝郡魯

北薦等聚眾萬餘攻逼潁陽詔遣左衛將軍李崇討平

之斬級數千徙萬餘家於河北諸州及六鎮尋叛南走

六鎮今單于府馬邑今界也所在追討比及於河殺之皆盡梁武帝

文獻通考 卷三百二十八 五

遣兵沿沔破掠諸蠻又遣蔡令孫等三將步騎五千侵

南荆之西沿漢上下今襄陽郡之上武當郡以東地破略諸蠻後魏遣

蠻帥桓叔率蠻夏二萬餘人擊之斬令孫等俘虜二千

餘人其後因六鎮秦今天水隴郡地所在反叛荆今南

陽今陽南郡蠻大擾動斷三鵠路今南陽郡向城

至於襄城今臨汝郡汝水處處鈔劫百姓多被其害自後

魏與宋齊梁之時淮汝江漢閒諸蠻渠帥互有所屬皆

授封爵焉及魏末為暴滋甚有冉氏向氏田氏者陬落

尤甚大者萬家小者千戶更相崇樹僭稱王侯屯據三

峽斷過水路荆蜀行人至有假道者西魏文帝大統十

一年沔漢諸蠻擾動大將軍楊忠擊破之其唐州蠻田

魯嘉示叛

唐州今淮安郡

自號荆河州伯遣王雄討之後周明

帝時蠻帥冉令賢向五子王等反攻陷白帝

今雲安郡

武帝

天和初詔開府陸騰討斬之蠻眾大潰斬首萬餘級騰

乃積其骸骨於水邏城側爲京觀後蠻蠻見者輒大號

哭自此狼戾之心輟矣信州舊理白帝騰更於蜀先主

故城南八陣之北臨江岸築城移置信州又以巫縣信

陵秭歸

今雲安巴東二郡界

並是峽中要險於是築城置坊以爲

文獻通考

卷三百二十八

三

襟帶焉

按後漢史其在黔中五溪長沙間則爲盤瓠之

後其在峽中巴梁間則爲廩君之後種落繁盛

通典言按後漢史其在黔中五溪長沙間者則爲

盤瓠之種其在峽中巴梁間者則爲廩君之後其

後種落繁盛侵擾州郡或移徙交錯不可得而詳

別今按通典所敘板楯蠻魏晉以後之事南史謂

之荆楊蠻北史謂之蠻獠而俱以爲其源出自盤

瓠不言板楯然六朝時蠻漸徙而之北則亦無由

究其源流宗派矣姑兩存之

南平蠻

南平蠻東距智州南屬渝州西接南州北治州戶四千

餘多瘴癘山有毒草沙虱蝮蛇人樓居梯而上名爲千

欄婦人橫布二幅穿中貫其首號曰通繆美髮髻垂於

後竹筒三寸斜穿其耳貴者飾以珠璫俗女多男少婦

人任役婚法女先以貨求男貧者無以嫁則賣爲婢男

子左衽露髮徒跣其王姓朱氏號劒荔王唐貞觀三年

遣使內款以其地隸渝州又有甯氏世爲南平渠帥陳

末以其帥猛力爲寧越太守陳亡自以爲與陳叔寶同

文獻通考

卷三百二十八

三

日而生當代爲天子乃不入朝隋兵阻瘴不能進猛力

死子長眞襲刺史及討林邑長眞出兵攻其後又率部

落從征遼東煬帝授官遣還又以其族人甯宣爲合浦

太守隋亂皆以其地附蕭銑武德初以寧越鬱林之地

降自是交愛諸州始通長眞死子據襲刺史其地西南

接烏蠻昆明哥蠻大小播州部族數十居之宋治平中

熟夷李光吉梁秀等三族據其地各有眾數十家閒以

威勢誘脅漢戶有不從者屠之沒入土田往往投充客

戶謂之納身稅賦皆里胥代償藏匿亡命數以其徒僞